

de Bulach, qui curiæ magisterium usque ad an. CIOICXXV
gessisse nobis videtur (f).

XII.

Henrico Hofmanno statim ineunte an. CIOICXXIII
suceffit, illius olim æqualis & ad vitæ finem usque familia-
ris, JOANNES HENRICUS SCHWEBEL, *Henrici* quon-
dam Cancellarii filius natu maximus. Natus autem illi erat
d. III Dec. an. CIOICLXII. Duodecim annorum puer in sti-
pendia illustri scholæ Hornbacensis cum fratre *Joanne Lu-*
dovico relatus eum se præstitit, in quo significatio ingeni-
celrioris virtutisque futuræ eluceret certissima. Curriculo stu-
diorum, quibus in Gymnasio ad graviora præparari decet
adolescentes, absoluto cum laudibus votisque dimissus Kal.
Sept. an. CIOICLXXXI in ampliora academiæ spatia in-
gressurus Marburgum petiit, ubi tum Ictorum Germaniæ
aquila, *Hermannus Vultejus*, nidum construere, atque ado-
lescentes elegantioris jurisprudentiæ præfidiis fovere cœpe-
rat. Ita vero egregie se suumque ingenium in artium studiis
exercuit *Suebelius*, ut supremos in jure honores magna cum
laude adire posset. Talis quum rediisset, eodem anno, quo
ipsum decessor Cancellarius, *Hofmannus*, Heidelbergæ huc
vocatus fuerat, hoc est, an. CIOICLXXXVII ab sagacissimo
ingeniorum existimatore, JOANNE I duce, a consiliis dein-
ceps esse jussus est. Quemadmodum ab eo tempore præ-
euntem habuit patrem doctrina virtuteque excellentissimum,
consiliorum præsidem, collegisque usus est consultissimis,
GALLO *Tuschelin* & *Joanne Sturzio*, J. U. D. ceterisque, ita

Q 3

ille

(f) *Hugo iste Fridericus* natu maximus fuit filiorum *Jo. Sebastiani Zorn de Bulach* & *Ursulæ Klettin ab Uttenheim*; cf. *Herzogii Chron. Alsat.* L. VI, p. 306. An. autem 1625 magisterium curiæ suscepit *Otto Fridericus Quad. de Landskron.*

ille parentis exemplum seniorumque prudentiam ac virtutem imitatus est, ut quamvis juvenis esset, citius maturitatem quandam suam assequeretur, nullique horum dein inferior habendus esset. Mirabantur scilicet in eo omnes divinum ingenii acumen, ejusdemque lumen, eloquentiam; clarus imprimis erat perpetuo musarum amore atque adeo humanitate, quæ illis accepta refertur, præstans. Hisce artibus meritis est, qui mature consiliis sanctioribus adhiberetur, quasi unus e prudentioribus usu diuturno & gravioribus. Joannes certe dux, cum ex testamento Friderici III electoris Palatini tutelam Friderici V & administrationem terrarum archipalatinarum suscepturus an. CIOIOCX Heidelbergam abiret, *Schwebelium* ex multis elegit comitem, qui ipse esset a sanctioribus consiliis. Atque tum merebatur, in cujus gratiam prærogativa nobilitatis olim parenti concessa a Joanne duce administratore, Vicario imperii an. CIOIOCXII confirmaretur. Quamvis autem postea *Balth. Hofmanno*, cujus erat æqualis, prærogativa in senatu atque dein etiam Cancellarii honos tribueretur, tantum abfuit, ut *Schwebelius* ei invideret, ut potius ejusdem fidissimus maneret amicus. Itaque summo jure ipsius virtutis idem splendor, defuncto *Hofmanno* statim contigit sub auspiciis an. CIOIOCXVIII (a). Novus quidem patuit campus, in quo se exerceret pruden-

-
- (a) Quem honorem ipsi publice gratulatae sunt musæ patriæ, testibus literis *Isaaci Crameri* rectoris ad eundem datis, quas habemus Msc̄tas: *Amplissimo & consultissimo viro, domino Johann Henr. Schwebelio, F. U. D. Cancellario & consiliario Bipontino dignissimo, domino ac patrono magno S. P. a Domino Jesu Christo. Amplissime domine Cancellarie plurimum observande. Quae nuper in studiorum nostrorum probatione tuo honori bene precati sumus cum viva voce, tum scriptis, ea nunc in honorificam tui memoriam typis expressa ad te mittimus. Tua amplitudo ut quaecunque studium ex observantissimo tuo animo profectum in bonam partem accipere, scholamque hanc patrocinio suo complecti, nos quo-*

dentia, quæ in *Schwebelio* fene jam LXII annorum erat summa, sed in quo etiam molesta æque & operosa negotia ei exhiberentur. Scilicet fere ab eo tempore calamitas belli Bohemici terris archipalatinis, quas JOANNES II Bipontinorum dux Friderici V electoris nomine ad an. usque CIOICXXIII administraverat, illata etiam in patriam nostram propagari cœpit; maxime vero, ex quo a Philippo Christophoro (b) Archiepiscopo trevirensi, tanquam episcopo Spirensi injustæ de cœnobio Hornbacensi intendi lites cœperunt idemque brevi post famosum illud edictum restitutorium violenta occupatione Joanni II duci ereptum est. Quid quantumve negotii tum obeundum fuerit Cancellario nostro, ejusque collegis, præsertim *Joh. Ulric. Neuphard, & Johann Walth. Hofmanno*, consiliariis, testatur etiamnum scriptum satis amplum, quo jura Bipontina adversus injustam adversariorum appetitionem & violentiam defendebantur, an. CIOICXXXI Biponti editum (c). Denique Cancellarius noster nihil præter-

quoque ipsos & nostros in numero eorum, quos amore & benevolentia sua prosequitur, perpetuo habere velis, etiam atque etiam rogamus. Bene vale, vir amplissime. Hornbaci 24 Januarii anno reparatae salutis 1624, Tuæ amplitudinis observantissimi rector & professores scholæ ibidem. Ex his fere colligendum foret, non modo carmina gratulatoria, sed etiam orationem, qua *Cramerus* laudes *Hofmanni* Cancellarium persecutus tandem acclamavit novo Cancellario, typis edita fuisse. Sed nihil istorum adhuc nobis videre contigit, quum superioris seculi bella & incendia destruxerint pleraque musarum nostrarum monumenta.

- (b) *Philippus* hic *Christophorus*, cujus animi magnitudo in magnas excrevit injurias, natus fuit Biponti d. 11 Dec. 1567 & sacro lavacro tinctus d. 19 Dec. testante indice baptizatorum ecclesiæ reformatæ. Pater ipse *Georgius Wilhelmus de Soetern* inde a. 10 Jun. 1565 Satrapæ & Consilarii Bipontini munia gerebat.
- (c) Hoc titulo: *Gründliche ausführliche Information, wie es mit deren unlängsthin de facto beschehener occupierung vnd einnehmung*

termisit, quod ad dignitatem principis, patriæ solamen, ecclesiæ & scholæ illustris salutem pertineret (d). Annus vero CIOICXXXV, qui multiplici modo terris Bipontinis extitit luctuosus, fatalis quoque fuit seni annum ætatis jam LXXII transgresso. Is enim dicto anno d. XVI Maji communi luce privatus est, neque adeo cumulum miseriarum vidit, qui ad summas id temporis calamitates morte Joannis II ducis exulis meliori fato dignissimi, d. XXX Jul. Metis defuncti accessit, & Bipontinam civitatem oppressit. Curix magisterium, quoad ille cancellis præfuit, tenuere *Otto Fridericus Quad de Landskron* & *Jo. Adolfsus de Molsperg* (e). Uxor, quam d. XIII Oct. an. CIOICLXXX duxerat, *Anna Margaretha Pastoir* (f) ei plures liberos peperit, ex quibus tres filii (g).

deß Fürstlichen Pfaltzzweybrückischen Klosters Hornbach, und desselben pertinentien hergangen allen Liebhabern der Warheit und Gerechtigkeit, zur Nachricht publicirt, und in Truk gegeben. Getrukt durch Wendel Schmidten, Fürstlich Pfaltz Zweybrückischen Buchtrukern. MDCXXXI.

- (d) Ejus sub auspiciis quoque an. 1625 nova editio ordinationis judiciarix emendata & aucta prodiit ex officina typographica Hornbacensi *Wendelini Schmid*: *Unterggerichts ordnung deß Fürstenthumbs Zweybrückens*. Atque hæc III editio fuit. Similiter recusæ sunt ordinationes matrimonialis & pœnalis; nova tandem constitutio de presbyteriis, quæ etiamnum apud nos viget, d. 24 Maji 1633 sancita prodiit.
- (e) *Otto Fridericus, Joannis Quadii*, qui Biponti d. 15 Apr. 1630 obiit, filius &, ni fallor, *Luteri Quadii*, olim magistri curix nepos, supremam istam dignitatem d. 30 Oct. 1625 adiit. *Jo. Adolfsus de Molsperg* tantum vices magistri, *Vicehofmeister* an. 1634 obire iustus fuit.
- (f) Obiit lectissima hæc femina, XI liberorum mater, novem annis post maritum, Tabernis montanis d. 10 Maji 1644 anno ætatis LXXV ubi ei in templo positum legitur epitaphium, quod eam Cancellarii filiam, neptim nurum & uxorem fuisse memorat. Nata scilicet erat viro summo, *Gerhardo Pastoir*, Cancellario archipalatino, ex *Juliana Juditha, Christophori probi*, in eadem curia Cancellarii celebratissimi.

(g) duæque filiæ memorari merentur. Sed ut brevitati studeamus, familiam ab ipso propagatam in tabula repræsentare placet.

JOANNES HENRICUS SCHWEBEL, J. U. D.
Henrici Cancellarii filius natus maximus n. 3 Dec. 1562,
consiliarius Bipontinus ab an. 1587, dein etiam Cancellarius
ab an. 1624 † 10 Maji 1635.
Ux. Anna Margaretha fil. Gerhardi *pastor*, Cancellarii palatini
& Juliane Judicæ *Probin*, n. 23 Jul. 1570, d. 13 Oct.
1590 † 10 Maji 1644.

<p><i>Joannes Rupertus</i>, n. 19 Oct. 1595 consiliarius Bipontinus Vx. N. N.</p>	<p><i>Joannes Gebhardus</i>, n. 12 Maji 1599, juris studio operatus Heidelbergæ, qua 1620 relicta, abiit in Bohemiam, dein eodem anno cum legato Bohemico Constantinopolim; rediit 1621 † 1633</p>	<p><i>Georgius Fridericus</i>, n. 15 Jan. 1602 pastor eccl. Hornbac. ab an. 1624, eccl. Tabernæmont. ab an. 1630 Bipontum vocatur pastor & antistes 1659. † 30 Nov. 1660</p>	<p><i>Magdalena Catharina</i> n. 1604 † 1675 <i>Mar. Jo. Wernher</i> parochus Hornbacensis,</p>	<p><i>Maria Modesta</i> n. 28 Dec. 1611 <i>Mar. Jo. Daniel Schorr</i> ab <i>Hasel</i>, præfectus Cleburgenfis.</p>
<p><i>Jo. Fridericus</i> n. 31 Maji 1633 Diac. Bip. 1660. pastor Tabernæmont. 1666, † 17 Jan. 1669.</p>	<p>Vx. Anna Elisabetha Pantal. Candidi, episcopi Bipontini filia.</p>	<p><i>Joannes Henricus</i>, diaconus & concionator aulicus Bipontinus eximius, † 15 Maji 1657 morbo papularum</p>	<p><i>Philippus Carolus</i>, diaconus Tabernæmontanus 1659-1661, qui ei fuit fatalis, † coelebs.</p>	
<p><i>Catharina Margaretha</i> posthuma † 26 Mart. 1713 octogenaria.</p>		<p>Vx. Catharina Magdalena, f. Simonis Linder præfecti & cellarii Nofeldensis.</p>		
<p>filii tres, qui in infantia obiit.</p>				

R

XIII.

(g) Ex istis maxime natus minimus, *Georgius Fridericus*, apud nos inclaruit ac viri pii doctique, æque & præconis facundissimi laudem, altioresque adeo in ecclesia dignitates meritus est. En ejus epitaphium in templo Bipontino primario superstes! D. O. M. S. GEORGIUS FRIDERICUS SCHWEBELIUS, JOHANNIS HENRICI SCHWEBELII CANCELLARII BIPONTINI FILIUS, NATUS HORN-BACI XV JANUARIi MDCII, STUDIIS HORN-BACI, HERBORNÆ, BASILEAE, HEIDELBERGÆ OPTIME EXPOLITUS, FACTUSQUE SERVUS JESU CHRISTI, ARDENTI ZELO DOCUIT HORN-BACI, TABERNIS MONTANIS ET BIPONTI ANNOS XXXVIII: TANDEM PRAEMISSIS IN POLUM LIBERIS VIII, INTER QUOS PASTORES DUO, HENRICUS BIPONTI PER ANNOS VI, PHILIPPUS CAROLUS PER II ANNOS, INSPECTORATU BIPONTINO DIE XXX NOVEMBRIS MDCLXI DISCESSIT, ANNO AETATIS LX, RELICTA SOLA VIDUA ANNA ELISABETHA, SAMUELIS CANDIDI, QUONDAM SUPERINTENDENTIS BIPONTINI FILIA.